



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅՈՒՆ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

N21/ 4881

Ձեր _____

« 14 » 09 2023թ.

Վարդան Ռոմիկի Աբրահամյանին

Հասցե՝ ՀՀ, ք. Երևան, Զ. Քանաքեռցու փողոց, 72/2, 8 բն.
Հեռ. 091-14-06-51

Հարգելի՛ պարոն Աբրահամյան,

Ուղարկում եմ Ձեր դիմումի հիման վրա ՀՀ ՆԳՆ ոստիկանության իրավաբանական վարչությունում հարուցված բողոքարկման վարույթի արդյունքում ընդունված «Բողոքն ամբողջությամբ բավարարելու մասին» որոշման օրինակը:

Առդիր՝ « 3 » թերթ:

Պեպ,

ոստիկանության գնդապետ

Կապ.Ա. Վասիլյան
010 59-66-89

Ռ.Մարանդյան

« ՀԱՄԱՁԱՅՆ ԵՄ »

ՀՀ ՆԳՆ ոստիկանության իրավաբանական

վարչության պետ, ոստիկանության գնդապետ

Ռ. Մարանդյան

սեպտեմբերի 2023թ.

Ո Ր Ո Շ ՈՒ Մ 444

(բողոքն ամբողջությամբ բավարարելու մասին)

«13» սեպտեմբերի 2023թ.

ք. Երևան

ՀՀ ՆԳՆ ոստիկանության իրավաբանական վարչության ԻՊ բաժնի ավագ տեսուչ, ոստիկանության փոխգնդապետ Ա. Վասիլյանս, ուսումնասիրելով Վարդան Ռոմիկի Աբրահամյանի (այսուհետ՝ Դիմող) ՀՀ ՆԳՆ ոստիկանության Երևան քաղաքի վարչության Քանաքեռ-Զեյթունի բաժնի (այսուհետ՝ Բաժին) վարչական ակտի դեմ բերված վերադատության կարգով դիմում-բողոքը.

Դ Ա Ր Զ Ե Ց Ի

ՀՀ ՆԳՆ ոստիկանության իրավաբանական վարչությունում 06.09.2023թ. ստացվել է Դիմողի բողոքը՝ հասցեագրված ՀՀ ներքին գործերի նախարարին: «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի համաձայն հարուցվել է վարչական բողոքարկման վարույթ, նշանակվել է վարչական լսում, որի վերաբերյալ Դիմողը պատշաճ ծանուցվել է և չի ներկայացել :

Բողոքի առարկան

Դիմողը խնդրել է վերացնել ՀՀ ՆԳՆ ոստիկանության Երևան քաղաքի վարչության Քանաքեռ-Զեյթունի բաժնի 21.07.2023թ. թիվ 131 որոշումը:

Վարույթի համար նշանակություն ունեցող փաստերը.

1.16.07.2023թ. Դիմողի նկատմամբ կազմվել է վարչական իրավախախտման վերաբերյալ թիվ 131 արձանագրությունը: Արձանագրվել է ՀՀ վարչական իրավախախտումների վերաբերյալ օրենսգրքի (այսուհետ՝ Օրենսգիրք) 173.2 հոդվածի 1-ին մասի հատկանիշներով նախատեսված իրավախախտում:

2. ՀՀ ՆԳՆ ոստիկանության Երևան քաղաքի վարչության Քանաքեռ-Զեյթունի բաժնի կողմից Դիմողի նկատմամբ 21.07.2023թ. կայացվել է վարչական իրավախախտման գործի

վերաբերյալ թիվ 131 որոշումը, որով Դիմողը Օրենսգրքի 173.2 հոդվածի 1-ին մասով նախատեսված արարք կատարելու համար ենթարկվել է վարչական պատասխանատվության նվազագույն աշխատավարձի հիսնապատիկի չափով՝ 50.000 ՀՀ դրամ:

Կիրառելի իրավունքը (օրենքը)

Սույն բողոքի նկատմամբ կիրառելի են «Վարչարարության հիմունքների և վարչական վարույթի մասին» ՀՀ օրենքը (այսուհետ՝ Օրենք), Վարչական իրավախախտումների վերաբերյալ ՀՀ օրենսգիրքը (այսուհետ՝ Օրենսգիրք), «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքը:

Վարույթի արդյունքում արված եզրահանգումները

Օրենսգրքի 173.2-րդ հոդվածի 1-ին մասի համաձայն՝ Օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը խախտելը, բացառությամբ սույն օրենսգրքի 135.1-ին և 135.2-րդ հոդվածներով սահմանված դեպքերի՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հարյուրհիսնապատիկից երկուհարյուրապատիկի չափով, իսկ ֆիզիկական անձի նկատմամբ՝ հիսնապատիկի չափով:

Նույն հոդվածի 2-րդ մասի համաձայն՝ նույն արարքն այն պաշտոնատար անձի կողմից կատարելը, որը նշված խախտման համար վարչական տույժի է ենթարկվել երեք ամսվա ընթացքում՝ առաջացնում է տուգանքի նշանակում՝ սահմանված վարչական տույժի կրկնապատիկի չափ:

Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի 6-րդ հոդվածի 1-ին մասով նախատեսված չէ զբոսայգիներում, պուրակներում ծխախոտի օգտագործման համար վարչական պատասխանատվություն:

Օրենսգրքի 255-րդ հոդվածի 1-ին մասի համաձայն՝ վարչական իրավախախտման վերաբերյալ արձանագրության մեջ նշվում է՝ դրա կազմելու ամսաթիվն ու **տեղը**, արձանագրությունը կազմող անձի պաշտոնը, անունը, հայրանունը, ազգանունը, տեղեկություններ խախտողի անձի մասին, վարչական իրավախախտման կատարման տեղը, ժամանակը և էությունը, այն նորմատիվ ակտը, որը պատասխանատվություն է նախատեսում տվյալ իրավախախտման համար, վկաների և տուժողների ազգանունները և հասցեները, եթե այդպիսիք կան, խախտողի բացատրությունը, գործի լուծման համար անհրաժեշտ այլ տեղեկություններ:

Օրենսգրքի 281-րդ հոդվածի 2-րդ մասի համաձայն՝ վարչական իրավախախտման գործի վերաբերյալ որոշումը պետք է պարունակի՝ այն ընդունած մարմնի (պաշտոնատար անձի) անվանումը, գործի քննության ժամանակաթիվը, տեղեկություններ այն անձի մասին, որի վերաբերյալ քննվում է գործը, գործի քննության ընթացքում հաստատված հանգամանքների շարադրանքը, տվյալ վարչական իրավախախտման համար պատասխանատվություն նախատեսող նորմատիվ ակտի նշումը, գործի վերաբերյալ ընդունված որոշումը:

Նյութերի ուսումնասիրությունից պարզվել է, որ Դիմողը 16.07.2023թ. ժամը 11.50-ին Երևան քաղաքի «Հաղթանակ» զբոսայգում օգտագործել է ծխախոտ:

Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի 6-րդ հոդվածում զբոսայգիներում, պուրակներում ծխելու դեպքում որևէ արգելք սահմանված չէ, ուստի Վարդան Ռոմիկի Աբրահամյանը չի կատարել որևէ զանցանք:

Օրենքի 63-րդ հոդվածի 1-ին մասի «ա» կետի համաձայն անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Այսպիսով՝ ՀՀ ՆԳՆ ոստիկանության Երևան քաղաքի վարչության Քանաքեռ-Զեյթունի բաժնի 21.07.2023թ. թիվ 131 որոշումը կայացվել է օրենքի սխալ կիրառման կամ սխալ մեկնաբանման հետևանքով:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 2-րդ մասով և ՀՀ օրենքի 76-րդ հոդվածի 4-րդ մասով և 1-ին մասի «ա» կետով՝

Ո Ր Ո Շ Ե Ց Ի

1. Բավարարել բողոքն ամբողջությամբ՝ ճանաչելով վարչական ակտն (վարչական իրավախախտման վերաբերյալ որոշումը) անվավեր:
2. Որոշման օրինակը 3-օրյա ժամկետում ուղարկել կողմերին:
3. Սույն վարչական ակտը կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով նախատեսված ժամկետներում:

ՀՀ ՆԳՆ ոստիկանության իրավաբանական

վարչության իրավական պաշտպանության

բաժնի ավագ տեսուչ, ոստիկանության փոխգնդապետ՝




Ա. Վասիլյան



ՀՀ Ոստիկանություն կենտրոնական ապարատ
Armenia ԵՐԵՎԱՆ ԵՐԵՎԱՆ Նալբանդյան 130
0025
21/4881
15.09.2023

Համբար

2



L0111270604AM



ՀԵՏՎԵՐՈՂՈՒՄ	Հոգս
RETURN	
☐ Ընկալվել է	☒ Մուծված
☐ Մնացորդ	☐ Refused
☐ Տեղի չի ունենում	☐ Չի տվնականություն
☐ Դիմում է	☐ Unclaimed
☐ Դիմում է	☐ Դիմում է
Երկրորդական ամսաթիվ / Երկրորդական ամսաթիվ	
10.23 p	

ՎԱՐԴԱՆ ԱՐԴԱՐԱՆՅԱՆ
Armenia ԵՐԵՎԱՆ ԵՐԵՎԱՆ 2. ՔԱՆԱԲԵՐՈՒՄՈՒ Փ. 72/2 8ԻՆ.